

ՀՈՒՅԼՅԱՆՆԵՐ

ՍՐՏԻ ԽՈՍՔ

«Երանելի է այն մարդը, որ չհետևեց անբարիշտների խոսքին»

(Սաղմոս Ա 1)

Ծատերն են սիրում Հիսուսին, ջատերն են տարված Նրա երկնային արքայության քարոզչությամբ, բայց քչերն են կամենում կրել նրա փառապանծ խաչը:

Ծատերն են բաղձում վայելել Նրա ներկայությունն ու մխիթարության շնորհը, բայց քչերն են մասնակից Նրա չարչարանքների հավերժական ներկայությանը:

Ծատերն են փորձում Նրան սեղանակից լինել, բայց քչերն են կամենում մասնակցել Նրա զրկանքներին ու տառապանքներին:

Երանի նրան, ով հասկանում է այդ ամենը:

Այդ երանելիներից է Ներսես Սրբազանը՝ Հիսուսի հավատարիմ չարչարակիցն ու ճամփորդակիցը:

Որպես Հիսուսի հետևորդ ու բարի հովիվ՝ 40 տարիներ ռյու և հնազանդ կրում է խաչի զորությունն ու տառապանքը, որովհետև խղճով է վկայում:

Երանի նրան ով հասկանում է, թե ինչ է նշանակում սիրել Հիսուսին և Նրանով ապրել:

Երանի նրան, ով ի սեր Հիսուսի կարողանում է աշխարհայինը մերժել և աշխարհի մեջ ապրել հանուն Հիսուսի:

Երանի նրան, ով արհամարհում է ատելությունը և տրվում սիրուն:

Երանի նրան, ով Հիսուսի քաղցրությունը չի փոխում անցողիկ հեշտասեր դառնության հետ:

Երանի նրան, ով հմտություն ունի զանազանելու բարին չարից, լույսը՝ խավարից, սերն՝ ատելությունից, երկինքը՝ երկրից, անսխալը՝ սխալից, հույսը՝ անհուսությունից, հոգեսփոփությունը՝ անհոգեսփոփությունից, համբերությունը՝ անհամբերությունից, սուրբն՝ անսուրբությունից, օրենքն՝ անօրինությունից:

Երանի նրան, ով հանդգնում է աղաղակել. «Տերն է իմ հովիվը»:



Երանի Գրան, ով Հիսուսին սիրում է Հիսուսի համար և ոչ թե իր անձի:

Երանի Գրան, ով սիրում և համբերությամբ մոտենում է սրբագործված Զոհին:

Երանի Գրան, ով զոհաբերում է իրեն հանուն Զոհի:

Այդպիսին է Ներսես սրբազանը՝ պաշտամունքով ու երկրպագությամբ, բարե-
րարությամբ ու մխիթարությամբ, եղբայրասիրությամբ և օժանդակությամբ:

Երբեք չտրվելով հուսահատությունից՝ նա, որպես քաջ հովիվ, շարունակում է
սպասավորին հատուկ մախանձախնդրությամբ տարածել Աստծո լույսն ու ճշմար-
տությունը՝ առանց տրտմության, միտքը հարատև սևեռած երկնային իրողություն-
ներից, հոգին դարձնելով ջերմեռանդ հանդիսարան, ձեռքին՝ բաժակը կենդանա-
րար հաղորդության:

Հեռու անձնահանությունից՝ խոհեմության շավղով շարունակում է իր ընթացքը:

ԱՍՈՂԻԿ ԵՊԻՍԿՈՊՈՍ ԱՐԻՍՏԱԿԵՍՅԱՆ